

## ভারত মহাসাগর পাড়ের বাসিন্দা - ১

মখদুম আজম মশরাফী

অষ্ট্রেলিয়ার বেশীরভাগটা জুড়ে আছে পশ্চিম অষ্ট্রেলিয়া রাজ্য। অপরূপ রপসিনী পার্থ তার রাজধানী। প্রকৃতি মানুষের শিল্পছোঁয়ায় কত অপূর্ব হয়ে উঠতে পারে এখানে এলে তা বোঝা যায়। সমুদ্রমেখলা এ অবারিত পরিবেশে বসতি বিস্তৃত হচ্ছে প্রতিদিন। এখানকার তিনটি বিশ্ববিদ্যালয়ের শিক্ষক-ছাত্র, বিজ্ঞানী, ডাক্তার ও অন্যান্য নানান পেশাজীবী মিলে প্রায় দুহাজারের মত বাঙালির বাস এখানে। পশ্চিম বাংলার বাঙালির সংখ্যাও তেমনি। এখানে দু'বাংলার দুটি এসোসিয়েশন আছে।

গত ২২শে জুলাই হয়ে গেল বাংলাদেশের এসোসিয়েশনের নিবার্চন। নিবার্চন শেষে ছিল একটি অনানুষ্ঠানিক মনোজ্ঞ পরিবেশনা। বর্তমান কমিটি দু'বার নিবার্চিত হয়ে সুসফলভাবে দায়িত্ব পালনের পর এবারে হলো এই নিবার্চন। নতুন পুরাতন মিলিয়ে যারা নতুন কমিটিতে এলেন তারা হলেন:



অনুষ্ঠানে উপস্থিত দর্শক ও অভ্যগতদের একাংশ

সভাপতি:	শাহজাহান মিয়া
সহ সভাপতি:	মিন্টু হক
সাধারণ সম্পাদক:	সাব্বির হক
সহসাধারণ সম্পাদক:	মাজহারুল ইসলাম
সাংস্কৃতিক সম্পাদক:	আরিফ আকবর কোরেইশী
দ্বীড়া সম্পাদক:	মারুফ রাজ্জাক
কোষাধ্যক্ষ:	সাইফুল ইসলাম রোমান

পরিষদ সদস্যবৃন্দ:

সৈয়দ মফিজুল ইসলাম  
নাসিম কুদ্দুস  
নাজনিন বানু  
তারিকুজ্জামান  
মহসিন মুতাকী, প্রাক্তন সভাপতি  
রুহুল সালিম, প্রাক্তন সা, সম্পাদক

মনোজ্ঞ পরিবেশনাটি বিশেষভাবে ক'জন ক্ষুদ্রে শিল্পীদের সুনিপুন সৌকর্যে মনোমুগ্ধকর হয়ে ওঠে। প্রবাসে জন্মেও দেশের সুবভঙ্গিমা, আবহ আর নষ্টালজিয়াকে বিশ্বস্ততার সাথে ধারণ করে এরা বাংলার অমর সংস্কৃতিময়তাকে উজ্জ্বলিত রেখেছিল সেদিন। রাইসার অপূর্ব গায়নভঙ্গি, “একবার যেতে দেনা আমার ছোট সোনার গাঁয়....” ছিল মনকাড়া চমৎকার।

আজরার গানটি ছিল, “ঝুপ. ঝুপ রেলগাড়ী.. ”, করবী গেয়েছে, “আমি খুঁজেছি তোমারই মাগো... .. ”। বাংলা ভাষার শুদ্ধ, সাবলিল উচ্চারণ, সুরের শুদ্ধতা প্রবাসে শিশুদের জন্যে কোন প্রতিবন্ধকতা নয়, এদের দেখে তাই প্রতিয়মান হল সেদিন।

অমিত ও শারনার গজল পূর্ণতৃপ্তির রেশ রেখে গেল সবার মনে। তন্ময়ের গান সবসময়ই সবার প্রিয়। রবীন্দ্রসঙ্গীতের অনিবার্য সুর উপস্থাপনা করেছিলেন হুমায়রা ভাবী ও আরেক সুকণ্ঠ ভাবী। বহুদিন পর আমি শুনিয়েছিলাম আমার দু’টি স্বরচিত কবিতা। তার একটি পাঠ করেছিলাম “তোমার পরে ঠেকাই মাথা” কবিতাগ্রন্থ থেকে।



কবিতা আবৃত্তি করছেন কবি  
মাখদুম আজম মশরাফী

মাখদুম আজম মশরাফী, পার্থ, পশ্চিম অস্ট্রেলিয়া, ০৮/০৮/২০০৬